

F3<sup>r</sup>

An die Chriftliche Gemeine  
der löblichen Reichs Stadt  
Lübeck.

Hertz allerliebften Chriften/  
Schwelter vnd Brüder in Chri-  
fto/ wir fühlen vnd fpüren leider  
jtzundt in vnfer Chriftlichen Ge-  
meine/ die fchwere tegliche harte Rute der  
fchedtlichen Peftilentien/ damit der frommer  
vnd gerechter Gott vns/ wegen vnfer Miffe-  
that/ heimfucht. Denn wir mit kleglichen  
fchmertzen vnd wehmut vnfers Hertzens teg-  
lich für Augen fehen/ wie die Peft viel vnfer  
Schwelter vnd Mitbrüder in Chrifto/ beide  
Jung vnd Alt/ vnd noch faft vnauffhörlich/  
aus Gottes gar wolbefügten vnd hochuerur-  
fachten zorn vnd Gericht/ hennimpt. Der-  
wegen weil dis auch mit gehöret/ vnter die  
groffen vnd herlichen thaten Gottes/ damit  
er feine Göttliche macht/ gewalt vnd herlig-  
keit vber vns beweifet/ auff das alles Fleifch  
in furchte/ vnd für feinen zorn vnd grim lich  
entfetzet/ vnd demütige/ So gebüret lich vnd

F ij                      ift

F3<sup>v</sup>

ift billich/ das wir die züchtigung des groffen  
 vnd Allmechtigen Gottes/ nicht/ wie der  
 fichern/ vergelien/ böshafftigen/ Gottlofen  
 Welt art ift/ in den Windt ſchlahen/ fondern  
 vns in diefer trawrigen heimfuchung/ vnter  
 Gottes gewaltiger Handt/ recht ſchicken ler-  
 nen/ weil er nun in alle Stende mit dieſem  
 Steupbefen in vnſer Gemeine durchwan-  
 dert/ vnd ſich ſehen leffet/ vnd wir vber das  
 auch nicht wiſſen können/ welche zeit vnd  
 weñ der gütiger/ fromer vnd getrewer Gott/  
 dem ſchlagenden Engel ftille zuhalten/ vnd  
 vnſer zuuerfchonen/ gebieten werde. Vnter  
 deſſen aber ſollen wir vns vnter der ſchweren  
 Handt Gottes demütigen/ vnd das wir vns  
 Chriftlichen hierin verhalten mügen/ auff  
 dieſe beide Stücke acht haben: Erftlich/ wo-  
 her vñ vmb was vrfachen wir jtzundt ſo elend  
 worden ſein/ vnd mit der Peft geſchlagen  
 werden. Darnach zum Andern/ wie wir ſol-  
 cher Ruten gebrauchen/ vnd in diefer ftraffe  
 Gottes vns ſchicken ſollen.

Von dem Erften leret der frome Gott  
 in ſeinem Worte vns ſelbeſt/ nemlich/ wo  
 ſein Volck/ dem er ſein Wort gegeben/ mit  
 ſei-

F4<sup>r</sup>

feinem Reiche zu jhnen komen ist/ vnd feinen  
 willen jhnen kundt gethan hat/ fein Wort  
 nicht werde halten/ feine Gebote nicht thun/  
 feine Satzunge verachten/ vnd feine Rechte  
 verwerffen/ vnd feinen Bundt anftehen laß  
 fen/ So wolle er fein Antlitz wieder sie ftel  
 len/ vnd vmb jhrer Sünde willen sie ftraffen/  
 durch Krieg vnd Blutuergiffen/ Vnd wo sie  
 vber das jhn noch nicht gehorchen werden/  
 wolle er den Himmel wie Eifen/ vnd die Er  
 den wie Ertz machen/ das jhre Lande fein ge  
 wechs nicht geben/ vnd alle jhr Ackergebaw/  
 erbeit vnd mühe gantz vnd gar folle verloren  
 fein/ Wo auch folches nicht geachtet werden  
 folte/ wolle er sie noch siebenmal mehr schla  
 hen/ vmb jhrer Sünde willen/ vnd die Pestil  
 lentz vnter sie fenden/ das sie also vertilget  
 werden/ vnd baldt vntergehen/ vmb jhres bö  
 sen wemens willen/ das sie jhren Gott verlaß  
 fen haben/ Wie dann er folches mit der that  
 in der warheit an den feinen bewiefen hat/  
 vnd auch Dauids klegliche Hiftoria bezeug  
 et/ im Erften Buch der Chronica am 22.  
 Capit: vnd 2. Sam: 24. Derwegen weil  
 wir leider auch an vns befinden/ vnd in er  
 wegung

Leut. 26.  
 Deu. 28.

Krieg.

Tew  
 rung.

Pesti  
 lentz.

Exem  
 pel.

F4<sup>v</sup>

---

wegung vnfers wandels vnd gefüreten Chri-  
ftenthumbs/ bekennen müffen/ auch vnfers  
eigen Hertzens gedancken vns allhie beklā-  
gen/ das wir in vnfern Emptern vnd Sten-  
den vom gröfſſten bis auff den aller gerin-  
gſten/ vns an Gottes fein Gebott vnd  
Wort faft hoch/ ſchwer vnd viel veründiget/  
vnd zugleich auch in folchem vnfern böſen  
wefen/ offt den heiligen Geift durch die Die-  
ner Gottes nicht haben wöllen regieren noch  
warnen laſſen/ Ja viel mal mit vngedult fol-  
che trewe warſchuwung auffgenommen/ viel  
dabey vnſer ſinn vnd Hertze offt mehr den  
ein Demand verhertet/ bey Gottloſen thun  
ohn auffhören offt verharret/ Gottes furcht  
fallen laſſen/ feinen Feyertag mannigerley  
weiſe entheiligt vnd verunreiniget/ vnd mit  
allerley vielfeltiger ſchwerer Miſſethat vns  
greßlichen beflecket/ vnd alfo verurfacht/ das  
vnſere Sünde zu Gott gen Himel geſchrien  
haben/ Jft Gottes zorn nun vber vns auch  
faft geſchwinde entbrandt/ das der gerechter  
gewaltiger Gott feinen rumorenden/ wütri-  
gen Engel mit dem bloſſen Schwerde/ durch  
die Peſtilentz vns zuuerderben/ wieder vns  
aus

G1<sup>r</sup>

ausgefendet hat/ auff das wir Gott mehr zu fürchten dadurch beweget werden/ vnd vnser thun beffern lernen. Derhalben wir dis fterben nicht anders/ dann als eine ernfte lebendige vnd entfindliche Busprediget vom Himmel wieder vns anfehen vnd halten follen.

Fürs Ander/ darnach vns nicht einer für den andern rechtfertigen/ Sondern vnter der gewaltigen Hand Gottes femptlichen vnd fonderlichen demütigen/ Gott in die Rute fallen/ vnd bekennen/ das wir gefündiget haben mit vnfern Vetern/ vnd wir felbest dis alles mit vnfern Sünden vber vns gefüeden frommen Gott zu zorn gereitzet hal vnd derwegen feinen zorn nun auch geduldig tragen/ ohn murmeln vnd vngedult/ weil wir an ihm vns fo gröblich mit vielfeltigen Sünden vergriffen haben/ vnd nur rundt bekennen/ HERR wir haben für dir gefündiget vnd vbel gethan/ vnd vnser Sünde haben vrfache gegeben/ das wir fo elend fein worden. Neben dem in warer hertzlicher ernfterew vnd bekerung/ vmb verzeihung folcher vnser voriger Mißthat im waren Glauben vmb Chriftn willen Gott anfallen vnd flehen/

G                    hen/

G1<sup>v</sup>

- 
- hen/ das er vns vnferre Miffethat vnd vber-  
 trettung nach feiner groffen Barmhertzigkeit  
 vergeben wolle. So wirt er fich gnediglichen  
 wiederumb zu vns wenden/ vns wiederumb  
 tröften/ fein Antlitz vber vns leuchten laffen/  
 Pfal. 85. das wir genesen. Denn er je auch vormals  
 feinem Volcke jhre Miffethat vergeben/ vnd  
 alle jhre Sünde bedeckt hat/ vnd alle feinen  
 zorn auffgehoben/ Darumb wirt er auch mit  
 nicht ewiglich für vnd für mit vns zürnen/  
 sondern wiederumb vns erquicken/ das wir  
 Pfal. 90. vns vber jhm erfrewen mügen/ Ja er wirt  
 fich wieder zu vns keren/ vnd feinen Knech-  
 ten gnedig fein/ vns früe mit feiner gnaden  
 erfüllen vnd erfrewen/ vnd vns freundlich  
 2. Sa: 24. fein / Wie folches bezeuget die gnedige erbar-  
 mung/ fo Daud wiederfaren/ da er fich zu  
 Gott von hertzen bekeret vnd Bulfe thut/ Ja  
 feinen herlichen schmuck vnd Zierkleider ab-  
 leget/ sampt den Elteften fich mit Secken vnd  
 geringen Kleidern anthüt/ für Gott auff fein  
 Angesicht fellet vnd spricht: Jch habe schwer-  
 lich gefündiget/ das ich das gethan habe/ Mir  
 ift faft angeft/ Jch bin der gefündiget vnd  
 vbel gethan habe/ Nu aber nim weg die miffe-  
 that

G2<sup>r</sup>

that deines Knechtes/ denn ich habe faft tōr-  
lich gethan/ Vnd alfo fahe in dem verderben  
der HERR drein/ vnd rewet jhn das vbel/  
vnd ſpricht zu den verderbenden Engel: Es  
ift genuch/ las deine Handt ab/ vnd gebeut  
auch Gott/ das der Engel fein Peftilentziſche  
Schwerdt in feine Scheden keret. Denn  
wenn Gott ſtraffet/ thut er ſolches zum be-  
ſten/ auff das/ weil wir vns ſelber oft nicht  
richten/ ſondern ſicher dahin leben/ vnd alfo  
gewißlich verderben vnd vmbkommen wūr-  
den/ Luc. 13. So richtet vnd züchtiget er vns/  
auff das wir nicht ſampt der Gottloſen Welt  
verdammert werden/ 1. Corinth: 11. Der-  
wegen er auch mitten in der ſtraffe an ſeine  
Barmhertzigkeit gedencket/ Habac. 3. Vnd  
thut nicht nach ſeinem grimmigen zorne noch  
gantzlichen verderbe/ weil er Gott vnd nicht  
ein Menſch iſt/ Hoſe. 11. Derwegen ſeinen  
zorn vnd ſtraffe nichts beſſers vnd gewiſſers  
auffhalten kan/ als wenn man ſich für jhm  
demütiget/ vnd von hertzen ſich zu jhm beke-  
ret/ vnd verſöhnung oder gnade ſuchet/ Jer. 18.  
1. Reg: 21.

Jft auch dieſer vnterſcheidt hiebey zu

G ij hal-

G2<sup>v</sup>

halten/ was die gieubige Kinder Gottes an-  
 gehet/ welche auch oft durch die Pestilentz  
 mit auffgehen/ das an solchen kein vngnad  
 noch zorn Gottes dadurch bewiefen wirt/  
 Sondern von Gott für dem künfftigen vn-  
 glück weggenommen/ vnd zu der ruge gebracht  
 werden/ Efai. 26. vnd 55. Sap. 4. Pfal. 89.

Zum Andern/ wenn aber er Gottfürch-  
 tige Diener des Worts/ Chriftliche Gott-  
 fürchtige Regenten/ nützbare vnd künftreiche  
 Werckmeister/ vnd gute Leute/ durch die Pest  
 hinraffet/ ist eine sonderliche straffe Gottes/  
 wegen der Welt vndanckbarkeit/ das sie sol-  
 che Gaben Gottes nicht in ehren helt/ sondern  
 nur getroft verachtet/ Efai. 3.

Den Gottlofen aber ist die Pest ein  
 Göttlicher grim vnd zorn/ darin sie ewig  
 verderben/ wo ohn bekerung sie dauon ko-  
 men/ wie solches zu andern zeiten weiter aus  
 Gottes Wort erkleret wirt.

Ich habe aber guten erschrocken/ Gott-  
 fürchtigen Chriftlichen hertzen/ die vber diefer  
 Sterblichen zeit fast bekümmert sein/ zu gute  
 vnd trofte/ diesen schönen herlichen Sermon  
 des Altuaters Cypriani verdeufchet vnd aus-  
 gehen

G3<sup>r</sup>

gehen lassen/ das sie daraus ein Hertze fallen  
 mügen/ vnd nicht so gar vnd gantz zu Tode  
 vber der Pest sich fürchten vnd entsetzen/ oder  
 in allzu große Kleinmutigkeit vorfencken mü-  
 gen. Wie denn auch eben vmb solcher vr-  
 sachen willen/ Cyprianus lenger denn für  
 1320. Jaren/ zu Carthago in Africa/ da er  
 Bischoff vnd Superintendens gewesen/ die-  
 sen Sermon in schwerer Pestilenzifchen sterb-  
 lichen zeit/ seiner Kirchen zu troste/ gethan  
 hat/ vnd bin guter zuuerficht/ das meine liebe  
 vnd mir von Gott beuohlende Schefflein/  
 solchen dienft von mir für gut vnd zu dancke  
 auffnehmen werden/ vnd nicht geringen vn-  
 terricht vnd trost für sich vnd die jhren hier-  
 aus schepffen. Der Allmechtiger gütiger  
 Gott/ welcher lieber schonet den straffet/ vnd  
 wenn er die feinen gleich züchtiget/ doch nicht  
 verderbet/ wolle vmme Chrifti willen vnser  
 Mißthat gnedig sein/ das er vns die Ver-  
 terlichen vnd aus gnaden verzeihe/ vnd wolle  
 diese Ruten der Pestilenzien wenden vnd  
 wegnemen/ die Krancken nach seinem Gött-  
 lichen wolgefallen fristen/ gefundt machen  
 vnd stercken/ die Sterbenden in rechten

G iij                      Glau-

G3<sup>v</sup>

---

Glauben feliglichen zu Haus nehmen/ die  
trawrigen nach feiner Barmhertzigkeit trö-  
ften vnd geduldig machen/ das Predigamt/  
Obrigkeit vnnnd Chriftliche Bürgerfchafft  
vnd Gemeine/ wieder das grawen des Nach-  
tes/ für den Pfeilen die des Tages fliehen/  
für der Pestilentz die im finftern schleicht/  
vnd für der Seuche die im Mittage verder-  
bet/ Veterlich schützen vnd mit feinen Fitti-  
gen bedecken/ das wir jhn dafür hernach frö-  
lich loben vnd preifen mügen/ Amen.